



Kalaallit Nunaanni nappaammik kræftimik akiuiniarfik  
*Kræftens bekæmpelse i Grønland*

## Ukiumoortumik nalunaarut 2016



## **IMARISAI – INDHOLD**

<b>AALLAQQAASIUT / Forord</b>	<b>3</b>
<b>SIULERSUISUT / Bestyrelse</b>	<b>3 - 4</b>
<b>SIULERSUISUT ATAATSIMIINNERINI OQALUUSERISAT AALAJANGIUSSALLU / Indhold og beslutninger på besty- relsesmøder</b>	<b>4 - 5</b>
<b>SIULERSUISUT NAAPILLUTIK ATAATSIMIINNERAT/ Bestyrelsens samling til møde</b>	<b>4 - 5</b>
<b>NUNA TAMAKKERLUGU KATERSUINIARNEQ / Lands- indsamling</b>	<b>5 - 7</b>
<b>UKIUP SINNERRANI ATAATSIMIINNERIT Bestyrelsesmøder resten af året</b>	<b>7 – 8 - 9</b>
<b>PISISMASUT ILAAT/Andre aktiviteter</b>	<b>7</b>
<b>QEQQANI OQALOQATIGINNITTARTUNIK PIKKORISSAANEQ Kursus for samtalepersoner i sydgrønland</b>	<b>8</b>
<b>DK-MI KRÆFTENS BEKÆMPELSE-P ATAATSIMIINNE- RANI PEQATAANEQ / Deltagelse på Kræftens Bekæmpelses landsmøde i DK</b>	<b>10</b>
<b>KALAALLIT PEQQISSARTUT ILLUANNIK SULEQA- TEQARNEQ /Samarbejde med det grønlandske Patienthjem</b>	<b>10</b>
<b>QUPPERSAKKAT SAQQUMMERSITASSAT Pjecer, der skal udgives</b>	<b>10</b>
<b>IMMIKKOORTORTAQARFIIT / Lokalforeninger</b>	<b>10 - 11</b>
<b>GRØNLANDSBANKIMIT TAPISSUT Donation fra Grønlandsbanken</b>	<b>11</b>
<b>ALLAFFIMMIORPUT/Vores kontorfuldmægtig</b>	<b>11</b>
<b>TAPISSUTIT LEGATIT/Legater</b>	<b>11</b>
<b>SIUNNERSUISARFILIORNISSAMIK SULIAQARNEQ Arbejdet med oprettelse af et Rådgivningshus/Livsrum</b>	<b>12 - 13</b>



## AALLAQQAASIUT

Matumuuna Neriuffiit Kattuffianni siulersuisut saqqummiuppaat ukiumut 2016-mut nalunaarusiaq ukiup ingerlanerani Neriuffiit Kattuffiata ingerlatsisimanera aammalu nammineq piumassuseq aallaavigalugu suliniarnerup ukumi 2016-mi qanoq ingerlasimanera nalunaarutigineqassalluni.

Pisarnertut Neriuffiit Kattuffianni 2016-mi suliniarneq pisimasoqarfialluarpooq pingaarnertullu immikkut taaneqassaaq ukiut pingasukkaartumik pisartoq ataatsimeersuarneq Nuummi ingerlanneqarmat juunip 25-ni. aamma 27-ni, immikkoortortaqarfinnit aqqaneq marlunniit aallartitat peqataaffigisaannik. Qaaqqusatut peqataavoq DK-mi Kræftens Bekæmpelsemit Bjarne Heide Jørgensen. Ulloq sapaat juunip 26-a Neriuffiup Ulluatut Katuami ingerlanneqarpoq assut nuannersumik.

Ataatsimeersuarneq pitsasumik ingerlanneqarpoq Neriuffiullu Kattuffiata ingerlatai ilaatigut inunnit nutaanit ingerlanneqalerlutik siulersuisunik nutaanik qinersisoqareerneratigut. Siulersuisut nutaat ukiuni tulliuttuni sulilluarnissaannik kissaappagut.

Ukumi 2016-mi pingaaruteqartutut aamma taasariaqarpoq majip aallaqqaataani nutamik allaffimmiorhaaratta ukiuni arlalissuarni allaffimmiusimasup ukiup 2015-p naanerani soraarnera tunngavigalugu. Allaffimmiorhaaratta aamma sulilluarnissaa suleqatigilluarnissaalu aallartippoq.

Neriuprugut ukiumut nalunaarusiamik nassitsiffigisartakkagut nalunaarusiamut pissarsilluarumaartut.

Immikkoortortaqarfiiit saniatigut nalunaarusiaq makkununnga nassiuussunneqassaaq:

Napparsimaveqarfinnut, suliffeqarfinnut suleqatigisartakkatsinnut, Peqqissutsumit Naalakkersuisoqarfimmut, Kommuninut, politikkikkut partiinut, inunnnullu ataasiakkaanut.

Ukumoortumik nalunaarut ima ilusilerneqarpoq:

Ukiup ingerlanerani siulersuisut ataatsimiittarnerannit oqaluuserisat aalajangiussallu ilanngunneqartassapput ukiup ingerlanerani pisimasut tulleriirneri aallaavigalugit.

## ATAATSIMEERSUARNISSAP TUNGAANUT SIULERSUISUT

**Nuna tamakkerlugu ataatsimeersuarneq ingerlanneqarpoq 25.juni aamma 27. juni 2016 Nuummi  
Sømandshjemmemi.**

**27.-28. April 2013-mi ataatsimeersuarnermiit uku sinniussallu marluk siulersuisuupput:**

**Siulittaasoq: Sara J Brandt, Aasiaat**

**Siulittaasup tullia: Johanne Olsen**

**Aningaaserisoq Kristine S. Gedionsen, Aasiaat**

**Siulersuisuni ilaasortaq: Johan Olsen, Aasiaat –Avannaani immikkoortortaqarfinni siunnersorti**

**Siulersuisuni ilaasortaq: Helga Zeeb, Qeqertarsuaq – Oqaloqatiginnittartuni siunnersorti**

**Siulersuisuni ilaasortaq: Rasmine Hansen, Qaqortoq-Kujataani immikkoortortaqarfinni siunnersorti**

**Siulersusuni sinniussussat: Lukas Stephensen, Nanortalik – Nuka Petersen, Ilulissat**



## **SIULERSUISUT ATAATSIMIINNERI**

Ukiumi 2016-mi ataatsimeersuarnerup tungaanut siulersuisut pingasoriarlutik oqarasuaatikkut ataatsimiipput imminnullu naapillutik Nuummi ataatsimiipput ataasiarlutik.

Ataatsimeersuarnermi siulersuisunngortut tallimariarlutik oqarasuaatikkut ataatsimiipput.

## **ATAATSIMEERSUARNISSAP TUNGAANUT SIULERSUISUT ATAATSIMIINNERINI OQALUUSERISAT AALAJANGIUSSALLU**

14. Januar 2016:

- 2015-p naanerani allaffimmioq Juliane Dalager soraarpoq. Nutaamik allaffimmussarsiorneq aallartinneqarpoq. Nammeneq piumassuseq aallaavigalugu allaffimmik ingerlatsisutut aallartippoq Johanne Olsen.
- Allaffimmussarsiornermi Iserit/INI A/S paasiniaaffigineqassapput ineqartitsisinnaanermik.
- Akuerineqarpoq 2016-p aallartinneraniit tapiissummik legatimik tunisinermi allakkanut ilangunneqartassasut quppersagaq napparsimalersimasup kræftimik nappaataata quppersagaa aammalu quppersagaq "Kræfteqalernermi".
- Nalunaarut: 7. jan Naalakkersuisut siulittaasuat Kim Kielsen ukiortaami ilassinninnissamut qaaqu-sisoq Johanne Olsenimit peqataaffigineqarpoq.

### **Siulatorsuisut imminnut naapillutik ataatsimiipput Nuummi 19. – 20. februar 2016**

**Siulittaasoq Sara J. Brandt ataatsimiinnermi peqataanngilaq suliffimmini ataatsimiittunut peqataasus-sanngorami.**



Peqataasut:

Siul. tullia **Johanne Olsen**, Nuuk  
Aningaaserisoq **Kristine S. Gedionsen**, Aasiaat  
Oqaloqatiginnittartuni siunnersorti  
**Helga Zeep**, Qeqertarsuaq  
Immikkoortortaqarfinni siunnersorti, Avannaani  
**Johan Olsen**, Aasiaat  
Immikkoortortaqarfinni siunnersorti, Kujataani  
**Rasmine Hansen**, Qaqortoq  
Siul. sinniisussaq **Lukas Stephensen**, Nanortalik

### **Makku oqaluuseraat aalajangiullugillu:**

- **Nalunaarut**

Kattuffimmi ataatsimeersuarnissap Junip 25-ni aamma 26-nilu ingerlanneqarnissaanut Tips og Lottomut tapiissutinik qinnuteqartoqarpoq immikkoortortaqarfiillu ilaasortat allattorsimaffiannik Kattuffimmut nassisussequneqarsimapput aammalu ataatsimeersuarnermut peqataasussaq kinaanersoq nalunaarutigeq-quneqarsimalluni.

- **Kattuffimmi ingerlatat naliliiffigineri**

**Ukua ataatsimeersuarnissamut oqaluuserisassanngortinnejarpuit:**

- Siunnersuisarfiorniarnerup ingerlasimaneranik nalunaarut qanorlu ingerlariartoqaqqinnissaanik isummer-nissaq  
- Oqarasuaat 145-p atorneqarnera, atorneqarneranilu aningaasartuutit aallaavigalugit ingerlaqqissinnaaneranut naliliineq.

- **Siorna katersuiniarnermut atasumik tuniniagassatut pigisat qanoq iliorneqarnissaannik aalajangiineq.**

Pigisat allattorneqarnissapput, ilaat nunaqarfinnut nassisusunneqassapput, ilaat Neriuffiup Ulluani tuniniarneqassapput, ataatsimeersuarnermilu immikkoortortaqarfiiit nuna tamakkerlugu katersuiniarnermi tuniniagassanik pisissapput.

- **Ukiup ingerlanerani pisussatut pilersaarut sananeqarpoq**

- **Nuna tamakkerlugu katersuniarnissaq aalajangiunneqarpoq**  
Pissussanngortinneqarpoqasooq sapaammi septemberip arfernani. KNR-TV ukioq 2016 katersuniarnissamut peqataasinnaasimanngilaq Arctic Winter Games ulapputigi-neqarmat.
- **Aningaasanut tunngasut**  
2015-mut Naatsorsuuitit ataatsimeersuarnissap tungaanut kukkunersiorneqarlutik piareersarneqassapput.
- **Oqaloqatiginnittartunik pikkorissaanerup siunissami ingerlanneqarnissaa**  
Siunissami pikkorissaanissat qanoq ittut ingerlanneqarnissaat isumaqatigiissutigineqarpoq, qangali oqaloqatiginnittut ingerlasimut nutaatullu aallartittut immikkoortittarnissaat siunniunneqarluni.
- **Ataatsimeersuarnissap tungaanut suliassat tulleriaarneri.**  
Ataatsimeersuarnerup nalaani unikkallarnerni sammineqarsinnaasutut suliarineqassapput.  
Mappi assit – Mappi ukiumoortumik nalunaarutit – Mappi Tusaatit – (Aviisit) – Mappi quppersakkat – Amerikansk lotteri – Aap tillerneranik uuttuut.

**Siulersuisut oqarasuaatikkut ataatsimiinnerinit apriilip arfernani aamma maajip 18-ianit:**

- Nuna tamakkerlugu ataatsimeersuarnissamut piareersaaitit ilaatigut makku ingerlanneqarput:  
Siulersuisunit oqaluuserisassanngortitassat suunerit, ilaatigut oqarasuaatikkut siunnersuisarfiup 145-p naliliiffigineqarnissaa, Neriuffimmi nammineq piumassuseq aallaavigalugu sulinerup nassuiarluarneqarnissaa, Illu Siunnersuisarfilornissap naliliiffigineqarnera, Nuna tamakkerlugu ataatsimeersuarnissap ullulernissaa. Oqaloqatiginnittartut Avannaani pikkorissartinneqarnissaasa ullussaat sumiinnissaalu aalajangiunneqarput 21-22-23 . September Ilulissani Hotel Arctic-imi. Pigisat ilisarnaatilallit qanoq pineqarnissaat aamma aalajangiunneqarpoq. Neriuffiup Ulluani 26. Juni pisusanik tulleriaarineq.

**Pisimasut assiginngitsut facebookimi aamma takuneqarsinnaasut**

**Marsip 29-ni:**

2015-mut ukiumut nalunaarut naammassivoq kalaallisut qallunaatullu. Piumasunut nassiussinnaavagut mailikkut. Uunga allalluni piniarneqarsinnaapput: [neriuffik@greenet.gl](mailto:neriuffik@greenet.gl)

**Maajip aallaqqataani**

	<p>Majip aallaqqataani allaf-fimmiortaarpugut.</p> <p>Karen Jensen sulilerninni tikilluarit, suleqatigiilluar-nissatsinnut qilanaarpugut, qujanarlu Neriuffiit Kattuf-fiat soqtigalugu qinnuteqar-figisimagakku.</p>
---	--

**Majip aqqaneq aappaani:**

	<p>Sanami meeqqanut immikkoortor-taqarfimmum M2-mut tunniupput atallaajaqqat niutaqanngitsut (body-stocking) innangasunut tunniuttagassanngorlugit.</p>
---	---

### Maajip 13-ani:

<p>Siulersuisut aalajangiuppaat ukioq manna Meeqqat Ulluat 1. juni malunnartin-niarlugu. Nunaqarfinnut nassiuussuup-pagut bamseeqqat nasaaq-qallu ukioq kingulleq kater-suiniarnermi ilisarnaammik ilisarnaatitallit.</p>		
<p>Nunaqarfinnut assigiinngit-sunut katillugit karsit 30-t poortukkallu 25-t nunaqar-finnut allanut nassiuappagut. Neriuppugut kræfti pillugu meeqqat aamma paassisuttisiiffingeqartarsinnaasut</p>		

### Maajip 31-ani

	<p>Nunatta Atuagaateqarfiata piniarpai quppersak-kat saqqummersinnikuusagut Nunatsinni Atuagaateqarfinnut nassius-uunniarlugit. Atuagaateqarfinnilissapput uku quppersakkat: Aakkut kræfteqarneq Tingummi kræfteqarneq aamma Aqajaqqup sanilequtaani kræfteqarneq.  Nunatta Atuagaateqarfianut qujanaq.  Sanami K2-mut quppersakkanik kalaallisunuk tamanik tunniussiartorneq aamma pivoq ilai nammineq kopeertussanngorlugit.</p>
---	--

### Quppersakkat nutaat ukua saqqummersinneqarput:

<p><b>Assitaligassaq</b></p>	<p>2015-mi siulersuisut aalajangiuppaat quppersakkat pingartumik angutit kræfteqariaaserisartagaannut quppersakkat saqqummersinneqassasut, ukulu marsimi saqqummersinneqarput: Qinerseq nakasuup paavani kræfteqarneq – Prostata Nakasukkut kræfteqarneq – Urinblæren Usukkut kræfteqarneq – Penis Qingakkut kiinnap qarajaqqakkut kræfteqarneq – Næse- og bihule</p>
------------------------------	---

## Juunip 22-ani



Nuussuarmi, Upernaviup eqqaani nunaqarfimmi Neriuffiit Kattuffianit nassiuussarsiatik nuannareqaat paasinnilluarsimallutillu.

Nunaqarfiit aamma allat nassiuussarsiaminnik qujassuteqarrapput.

### NUNA TAMAKKERLUGU ATAATSIMEERSUARNEQ JUUNIP 25-ANI AAMMA JUUNIP 27-ANI 2016 NUUMMI SØMANDSHJEMMEMI

Neriuffiit Kattuffianni ataatsimeersuarnermi malittarisassat malillugit ataatsimeersuarneq ingerlanneqarpoq ataaniittullu oqaluuserisassatut tulleriaakkat oqaluuserineqarput aalajangiiffigineqarlutillu. Imaqarniliaq Neriuffiit Kattuffiata allaffianut piniarneqarsinnaavoq.

#### 1. **Aqutsisumik qinersineq**

Siverth Lynge toqqarneqarpoq

#### 2. **Oqaluuserisassat akuersissutigineqarneri**

Iluarsiissuteqarfigereerlugit akuersissutigineqarput

#### 3. **Piffissami qaangiuttumi siulersuisut nalunaarusiaat, akuersissutissaq**

Ukiumut nalunaarusiat 2013 – 2014 – 2015 ataasiakkaarlugit saqqummiunneqarput, apeqqutit paaserusutallu pereermata tamarmik akuersissutigineqarput.

#### 4. **Ukiuni kingullerni pingasuni naatsorsuutit saqqummiunnerat, akuersissutissaq**

Naatsorsuutit Deloittikkunnit kukkunersiorneqarsimasut 2013 – 2014 – 2015 ataasiakkaarlugit saqqummiunneqarput. Apeqqutit paaserusutallu pereermata tamarmik akuersissutigineqarput.

#### 5. **Siunnersuutit tiguneqarsimasut oqallisigineri.**

Ilaatigut makku saqqummiunneqarput naliliiffigineqarlutillu:

Malittarisassat immikkoortotaqarfinniit malinneqarnissaat - KNNK-ip ilusaa - Siunnersuisarfiup oqarasuaatip 145-p ingerlaqqinnissaannik naliliineq - Siunnersuisarfiliornerup killiffianik saqqummiineq qanorlu ingerlariaqqittoqarmissaannik oqallinneq aaliangiinerlu. Nuummiit: Livsrum piviusungortinneqarnissaata anguniarnissaa - Meeqqat neriuuffimut ilaasortangorsinnaanersut. - Kalaallit peqqissartut inaanni Kalaallimik igasoqarnissaq kissaatigineqarpoq.

Oqaruaatikkut Siunnersuisarfiup 145-p matuneqarnissaa aalajangiunneqarpoq atorneqarneranut naleqqiullugu aningaasartuutit nalequutinggimmata. KNNK-ilusaa akuersissutigineqarpoq immikkullu ilanngunneqapoq uunga nalunaarusiamut. Sinnerisa naliliiffigineqarneri imaqarniliami atuarneqarsinnaapput.

#### 6. **Ukiunut tullernut pingasunut suliniutissat oqallisigineri**

Eqimattakkaarluni oqallinne ingerlanneqarpoq. Eqimattakkaarlunilu saqqummiisoqarpoq.

Ilaatigut makku suliniutissatut siunniunneqarput:

Nappaammik eqquaasimasunik sukumiinerusumik paassisutissiisarnissaq - nakorsap oqaaseqaatiortagai kalaallisut nutserneqareerlutik tunniunneqartarnissaat - Siunnersuisarfiliornissap piaartumik piviusungortinnissaa - (Siunnersuisarfiliornissami illup qanoq innissaanut kissaatit imaqarniliami atuarneqarsinnaapput) - Tupa pillugu paasitsitsiniaaneq annertunerusumik ingerlanneqarnissaa kissaatigineqarpoq.

#### 7. **Ukiunut tullernut pingasunut akiliutissamik aalajangiineq**

Inersimasut 75,- kr – Meeqqanut 25,- kr – Peqatigiiffiit allat, suliffeqarfiit 500,- kr Immikkoortortaqarfilla Kattuffimmut ilaasortaanerat 2.000,- kr

#### 8. **Siulersuisusanut sinniisussanullu qinersineq**

Qinigaasut assimi qupp. **xx-mi** takuneqarsinnaapput

#### 9. **Naalagaaffiup akuerisaanik kukkunersuisussamik qinersineq**

Kukkunersuisarfik Deloitte toqqarneqarpoq

## 10. Tamalaat

Qujassuteqarnerit ingerlanneqarput.

	
Ataatsimeersuaqataasut ilaat	Oqaloqatiginnittartuni siunnersorti Helga Zeeb saqqummiisoq

Sapaammi juunip 26-ni ataatsimeersuaqataasut iliveqarfiliarput kransiliillutilu, nappaammik kræftimik toqukkut qimaguttut eqqaaniarlugit, tassanilu siulittaasoq Sara J. Brandt oqaaseqarpoq.



### Sapaammi juunip 26-ani ualikkut Neriuffiup ullua Katuami ingerlanneqarpoq.

Kaffillertoqarpoq, pigisanik tuniniaasoqarpoq saqqummiisoqarlunilu. Saqqumiippuk

Bjarne Heide Jørgensen: Kalaallit Nunaanni Neriuffiit aallartinneqarnerannik saqqummiineq

Peqqissutsimut Naalakkersuisoq Doris Jakobsen: Peqqissutsimut Naalakkersuisoqarfimmiiit napaat kræfti pillugu suliniuitit

Johanne Olsen: Quppersakkat Neriuffiit Kaffiannit saqqummersitat aamma Neriuffiup nittattagassaa nutaaq.

**Assitassaanik peqarussi uunga ikkussinnaapput -----**



## SIULERSUISUNNGORTUT:



Siulittaasooq Helga Zeeb, Qeqertarsuaq

Siulittaasup tullia, Birte Kielsen, Nuuk

Aningaaserisoq Sara J. Brandt, Aasiaat

Oqaloqatiginnittartunut siunnersorti: Frederikke Reimer, Ilulissat

Immikkoortortaqarfinni siunnersorti, Avannaani: Johan Olsen, Aasiaat

Immikkoortortaqarfinni siunnersorti, Kujataani: Gustav Bourup Broberg, Qeqertarsuaq

Sinniisussaq siulleq: Lukas Stephensen, Nanortalik

Sinniisussaq tulleq: Karl Nathansen, Paamiut



Johanne Olsen, Neriuffiup 1988-mi aallartinneraniit aammalu  
Neriuffiit Kattuffiata 1998-mi pilersinneraniit nammineq  
piumassuseq aallaavigalugu suleqataasimasoq, arlaleriarluni  
siulittaasutut, qinigassanngortinngilaq aallartussaanini  
pissutigalugu. Sulisimanera qujassutigineqarpoq. .



Ataatsimeersuarnermi peqataavoq DK-mi Kræftens Bekæmpelse-miit Bjarne Heide Jørgensen. Taassuma Kalaallit Nunaanni Neriuffiit aallartisarpai 1988-miit. Soraarninngooqqammerpoq KB-miit. Qutsavigaarpuit ukiorpassuarni siunnersorluartarsimam-matigut.

## **Ukiaanerani siulersuisut nutaat ataatsimiittarneri ulluni ukunani ingerlaqqippuk makkulu ilaatigut oqaluuseraat aalajangiiffagalugillu:**

### **Augustip arfineq pingajuanni**

- Agerskovimit naatsorsuutinut qarasaasiakkut ikkussuivik C5 allaffimmiumut ilinniartitsissutigineqarpoq.
- Siulittaasup nutaamik atorfittaarnera pissutigalugu suliassat annertuut tigusussaammagit siulersuisuunerni aaqqiinissaq siulittaasup siunnersuut saqqummiuppaa, tassa aningaaserisoq siulittaasorlu paarlaatiinnar-sinnaanerat, tamannalu tamarmiusunit akuersissutigineqarpoq, allanik siulittaasussanik sassartoqanngilaq aamma aningaaserisussamik.

**Taamaalluni Sara J Brandt siulittaasunngooqqippoq, Helga Zeeb aningaaserisunngorluni, siulersuisuunerit sinneri nikinngillat.**

### **Septemberip sisamaani**

- Nuna Tamakkerlugu Katersuiniarnissaq ingerlatinneqassaaq immikkoortortaqarfiallu namminneerlutik katersuiniarneq ingerlatissavaat, ukioq manna TV-kut katersuiniartoqassanngilaq AWG-qarsimanera pissutigalugu.
- Siulersuisuni nutaatut sulilersut, oqaloqatiginnittartuni aammalu immikkoortortaqarfinni siunnersortinngortut ilisimannittunit ilitsorsorneqarnissaat isumaqtigiissutigineqarpoq.

### **Septembarip 21-ani**

- Atlantic Musik aqqutigalugu tunniussisoqarpoq 51.365,43kr
- SMS-kkut katersuiniarneq naammassivoq, eqquisullu makitaasut attavigineqarnissaat isumagineqassaaq.
- Katersuinialernermermi Politiiniit akuersissut malinneqartarnissaa kissaatigineqarpoq.
- Ilulissani oqaloqatiginnittartnunut pikkorissarnissaraluq uniinnarmat uggorineqaraluarluni paasinnilluarput. Ukiullu tullissaanut pilersaarusiornissaq aallartinneqarsinnaasoq siunniunneqarpoq.

### **Oktoberip 26-ni**

- Ataatsimeersuarnermi siulittaasunngortoq Helga Zeeb augustip arfineq pingajuanni siulittaasuunerminit tunuartoq aningaaserisutullu ingerlalersoq Kattuffimmi sulinermini tunuarniuteqarpoq oktoberip aqqarnat 2016 aallarnerfigalugu. Nutaamik aningaaserisussamik qinersineq ingerlanneqarpoq, siornatigut aningaa-serisuusimasoq akuersimmat aningaaserisunngooqqinnissamut. SMS-kut qinersineq ingerlanneqarpoq ataatsimeersuarnermilu peqataasut 12-t taasinermi peqataapput 12-lu akuersillutik.

**Taamaasilluni Kattuffimmi aningaaserisunngooqqippoq Kristine S. Gedionsen, Aasiaat.**

- Quppersakkat nutaat Ilulissani Nuummilu nittarsaannissaat aalajangiunneqarpoq.
- KANUKOKA-p Nuummi allaffiata matunerani qalipagarpaalussuit Kattuffimmut tunnissutigineqartut ilai tuniniarneqassapput ilaallu 2017-mi katersuiniarnissamut kaattaassassatut atorneqassasut aalajangiun-neqarpoq.

- Oqaloqatiginnittartunik pikkorissaanissap taamaatiinnarnera nalunaarutigineqarpoq, ukioq mannalu pisinnaajunnaarnera oqaatigineqarluni.

### **Novemberip 23-ni**

- A.Riis Carstensenip qalipagaa sermitsiakkut annonce-kkut tuniniarneqalerpoq.
- RG Glas og Ramme (Roar Christensen) qalipakkat assigiinngitsut pisiani akilerpai, kr.9.650,-
- Julekort-mut tunngatillugu siulittaasoq ilisimatitsivoq Qeqetarsuaq suliarinnittussaagaluartoq peqquteqvivsumik pisinnaajunnaarmat allaffimmuit siulittaasoq peqatigalugu suliarineqassasoq. Tamannalu siulersuisunit akuersissutigineqarpoq.
- Oqaloqatiginnittartut sinerissami (liste) allaqqissaarnera nassiutissooq imaqarniliamut ilanngullugu. Siulittaasup aamma eqqaavaa Sana-mut allagaqaasiorneq ingerlanneqassasoq sinerissamiit sanaliartut oqaloqateqarnissamik pisariaqartitsisut oqaloqateqartarsinnaanissai anguniarlugu.

### **Decemberip 14-ni**


- Campus Kujalleq-miit attavigineqarpugut pujortartarneq annikillisinniarlugu suliniarnerminnut tunngatillugu taperseeqataarusunnginnersugut.
- .Campus kujalleq-mut tunngatillugu siulittaasup paasiniaaniarpoq qaugu pisinnaanersoq. Pilersaarutit apeqquaallutik suliaq ingerlassooq, Gustav B Broberg Kujataani immikkoortortami siunnersorti peqataarusuppoq.

### **Decemberip 19-ni :**

Ukioq manna aamma BankNordic sullitaminnut qarasaasiakkut juullimi pilluaqqusimapput taamaamallu allakkatigut nassiussassaagaluit Neriuffiit Kattuffiannut tunniunneqarsimapput.

Assimi takuneqarsinnaapput BankNordicimeersoq Elisabeth Andreassen aamma Neriuffiit Kattuffianni Allaffimmui Karen Jensen.

**QUJANARUJUSSUAQ**



## NUNA TAMAKKERLUGU KATERSUINIARNEQ SEPTEMBERIP SISAMAANI

Sumi	2015	2016
<b>Immikkoortortaqarfinniit: Nanortalimmiit Siorapalummut/Uper- navimmut</b>	<b>401.924,- kr</b>	<b>467.089,19 kr</b>
<b>KNR-TV-kut katersuiniarneq</b>	<b>773.819,- kr</b>	<b>0,- kr</b>
<b>Oqarasuaatikkut sms-kkut</b>	<b>1.186.475,- kr</b>	<b>5.300,- kr</b>
<b>Atortunik tuniniaaneq</b>	<b>14.481,- kr</b>	
<b>Tunissutit/Pisiniarfinnilu katersat</b>		<b>109.717,93 kr</b>
<b>Isertitat</b>		
<b>Katillugit</b>	<b>2.376.699,- kr.</b>	<b>576.807,12 kr</b>
<b>Aningaasartuutit</b>	<b>724.631,- kr</b>	<b>132.284,23 kr</b>
<b>Aningaasartuutit %-nngorlugit</b>	<b>30%</b>	<b>23%</b>
<b>Iluanaarutit</b>	<b>1.652.068,- kr</b>	<b>447.498,99 kr</b>

Katersuiniarnermi pingaartinneqarsimapput tapiissutinut, legatinut, tunniussisarnermut aningaasanik katersinissaq. Qujanartumik tapiissuteqarluartoqarsimavoq immikkullu taasariaapput Atlantic Music 51.365,43 kr-nik tapiissuteqarmat Nuna Fondilu 50.000,- kr-tapiissuteqarlungi.

Siornatigut Neriuffiit Kattuffiannut tapersersuilluni CD-mik saqqummersitsisup Søren Alaufenenip CD-liaanik tuniniaanermi sinneqartoortut Atlantic Musicimit pissarsiarineqarput.

Tapiissuteqartut tamaasa immikkoortortaqarfinnilu katersuiniarnermi peqataasut ikuuttullu tamaasa qamannga pisumik qutsavigaagut.

## AVANNAANI OQALOQATIGINNITTARTUNIK PIKKORISSAANISSARALUAQ

Neriuffimmi Oqaloqatinginnittartut Avannaani pikkorissartitsinissaraluqaq unitsiinnarneqarpoq pikkorissaasussap pisinnaajunnaarnera pissutigalugu. Ilulissani ulluni: septembarip aqqannanit aqqanq pingajuannut pikkorissarneq ingerlanneqartussaagaluarpoq. Aapaagu ingerlanneqarnissaa siunniunneqarpoq



## DK-MI KRÆFTENS BEKÆMPELSE-P ATAATSIMIINNERANI PEQATAANEQ

Ukiut tamaasa pisarnertut DK-mi Kræftens Bekæmpelse-p ataatsimmersuarnissaminut Neriuffiit Kattuffiannit peqataasussamik ataatsimik qaaqqusivoq. Ukioq manna siulittaasoq Sara J. Brnadtl peqataavvoq, qujanartuuvorlu peqataatinneqartarneq suliniarnerup sunik qanorlu ingerlanneqarnera annertuumik paasisaqafriusarmat.

Ataatsimiigarnermut atatillugu kalaallit peqqissartut angerlarsimaffianni ataatsimiisitsinissaq pisinnaasimanngilaq angerlarsimaffimmi sulisut ulappunnerat nalerorneqarmat.

## KALAALLIT PEQQISSARTUT DK-MI ILLUANNIK SULEQATEQARNEQ

Kalaallit Peqqissatut Illuat, Omøgademiittoq Københavnimi Neriuffiit Kattuffiannit qanumut suleqatigineqarpoq pingaartumik Kræftemik nappaateqalersut Kalaallit Peqqissartut Illuanni najugaqartut tapiissummik legatimik, qinnuteqarnerisigut tunineqartarnerisigullu. Neriuffiit Kattuffianni allaffiup, Kalaallit Peqqissartut Illuannilu inunnik isumaginniinnermik atorflik toqqaannartumik attaveqaqatigiittarput.

**2015-mi aamma Kalaallit Peqqissartut Illuat Neriuffiit Kattuffianniit 25.000,- kr-nik tapiissuteqarfingineqarpoq kalaaliminernik nerisassanik pisissutissatut.**


## IMMIKKOORTORTAQARFIIT

Inuit ataasiakkaat Neriuffimmut ilaasortaasarput immikkoortortaqarfifit aqqutigalugit. Ilaasortaanermik akiliutit immikkoortortaqarfifit namminneq aningaasanik kaaviaartitaminni ingerlataraat. Kattuffiup ataatsimeersuarnerani aalajangerneqartarpoq ilaasortaanermi akiliut qanoq atsigissanersoq, ukioq mannalu ataatsimeersuarnermi aalajangiunneqarpoq ukiumut 75,- kr meeqqanullu 25,- kr ilaasortaanermut akiliutaasassasoq, immikkoortortaqarfifillu Kattuffimmut ilaasortaanermanni 2.000,- kr-nik akiliisassasut.

Immikkoortortaqarfifit arlallit aningaasaateeqarfefeqarput immikkoortortaqarfifit ataani inissisimasunik ilaquaasut angalaqataanissaannut qinnuteqarfiusinnaasoq. Ukiuni arlalinni ingerlatsisimasoq Neriuffik Aasiaat paasiniaaf-figineqarsinnaavoq.

Immikkoortortaqarfifit ukiup ingerlanerani assigiinngitsunik najugaqarfimmanni pisoqartitsisarput ingerlatsillutillu: Pingarnertut ingerlanneqartartup ukiumoortumik nuna tamakkerlugu katersuiniarnermut peqataanerup saniatigut ilaatigut makku ingerlanneqartarput:

Ikumatitalisarluni ingerlaaqatigiinneq – nappaateqartunik naapeqatigiissitsineq – oqallitsitsineq - Kulturimik unnussiornermi peqataaneq – najugaqarfimmi paasisitsiniaaneq – peqqissaaveqarfinnik ataatsimeeqateqarnerit il.il.



## TAPIISSUTIT LEGATIT

Tapiissutit LEGAT-t tunniunneqartut takussutissiarineri illoqarfikkaartumik- Nunatsinnilu kræfteqariaatsit suunerisa takussutissiarineri ukiumoortumik nalunaarsorneqartarput.

2016-imí tunniunneqarsimapput:

Siullermermik kræfteqarlernermi tapiissutit 133-t, nalingi:	<b>399.000,- kr</b>
Aappassaanik kræfteqalerenermi tapiissutit 17-it, nalingi:	<b><u>51.000,- kr</u></b>
Tamaasa katillugit:	<b>450.000,- kr</b>

Tapiissutit Legatit tunniunnerini nalunaarsukkat naapertorlugit 2016-mi Nuummiit Sisimiuniillu amerlanerit qinuteqarsimapput, taavalu kræfteqariaatsit puakkut kræfti inaluagarsuarkkullu kræfti amerlanerpaajusimallutik. Ukiorpssuarni ivijangikkut kræfteqalersut amerlanerniittaraluartut 2016-mi siornarniit affaanngorsimapput.

Kræfteqariaatsit qassit sumi nappaataanersut "lagkage"-nngorlugit nalunaarsorneri immikkut ilanngunneqartut misissorneqarsinnaapput. - **Takuuk ilanngussaq.**

2015/16-MI SULINIUT INGERLANNEQARTOQ:

## SIUNNERSUISARFILIORNISSAQ – LIVSRUM

Ataatsimiinnerni tamani isumaqatigiissutigineqartarpoq Siunnersuisarfik Kalaallit Nunaanni atorfissaqartinne-qassaqisoq, aporfiujuannarporli taaneqartuarluni aningasaateqannginneq, aningaasaleeqataanissamillu tunuarsimaarneq.

Suliaq tessaniikkallarpoq neriulluarpugulli 2016-mi ukiunilu tulliuttuni pimoorullugu piviusunngortinniarnissaa pisinnaassasoq.

Ukiumoortumik nalunaarummik suliariinnittooq Johanne Olsen  
Assit: Facebookimi: Neriuffiat Kattuffiat, Stop Kræften aammalu  
Johanne Olsen, Nuummi Neriuffik

### **NERIUFFIIT KATTUFFIAT**



**Nappaammik kræftemik akiuiniarfik –**

**Kræftens bekæmpelse i Grønland**

**Imaneq 41**

Box 1546, 3900 Nuuk – Mobil 49 04 89 – Fax 31 25 04

Mail: [neriuffik@greenet.gl](mailto:neriuffik@greenet.gl)

Nittartagaq: [www.neriuffik.gl](http://www.neriuffik.gl)

Allaffik nalinginnaasumik suliffiup iluani ammasarpoq.